

Thawj Tsaavxwm Tej Kev Xaav

Zag taag lug kuv tau thaam rua peb tas muaj ibqhov teebmeem huv pawg ntseeg yog peb xaiv tau cov thawjcoj kws tsi paub Vaajtswv zoo moog ua thawjcoj txhaj muaj teebmeem. Zag nuav kuv pum dlua ibqhov ntxiv qhov ntawd yog kev tsi zaam txim.

Has txug kev zaam txim, Tswv Yexus qha le nuav:

Mej yuav tsum zaam txim rua tug kws ua txhum rua mej ibnub twg yog 7x70, Mat. 18:22. Nuav txhais has tas yuav tau zaam txim taag moog le.

Yog mej zaam txim rua tug kws ua txhum rua mej lawm Vaaj Leejtxiv tug kws nyob sau ntuj ceebtsheej yuav zaam txim rua mej. Tabsis yog mej tsi zaam txim rua lwm tug, mej Leejtxiv tug kws nyob sau ntuj ceebtsheej yuav tsi zaam txim rua mej hab, Mat. 6:14.

Paulus has ntxiv tas mej yuav tsum zaam txim rua lwm tug ibyaam le Vaajtswv tub zaam txim rua mej lawm, Ef. 4:32.

Yogle, peb yuav tau zaam txim rua lwm tug.

Kx. Nom Lwm Kwm
Thawj Tsaavxwm HKM

Kuv yog tug Tswv kws yog mej tug Vaajtswv, mej yuav tsum ua tuabneeg dlawbhuv, ruaqhov kuv yog tug kws dlawbhuv. Mej tsi xob ua rua mej tsi huv vim tej tsaj miv miv kws nkaag sau npoo aav. Levi Kevcai 11:44

Dlejnum Tseemceeb



Xwbfwb Lub Rooj Cobqha

Nubtim 22-24, 2009 HKM tau tsa cov xwbfwb lub Rooj Cobqha rua Louisville, KY sub cov xwbfwb txhaj moog koom tau General Council hab. Kev cobqha cov xwbfwb rua xyoo nuav, peb tau thaam ntau yaam dlejnum ntawm tug xwbfwb, tabsis kuv xaav qha ibyaam rua peb, yaam ntawm yog le nuav:

Peb pum tau has tas cov xwbfwb ibleeg koj lawm ibyaam ua rua cov tswvcuab tsi paub has tas qhov tseeb yog le caag tag, tshwjxeeb yog kev tshoobkug hab kev plujtuag. Ibtxha xwbfwb has tas ua kevcai los kuj tau ibtxha has ua tsi tau. Yog le ntawd cov xwbfwb txhaj lug sis thaam hab pum zoo kuas suavdlawg ua tuabyaam nkaus xwb txhaj tsi ua teebmeem rua cov tswvcuab. Peb xaav kuas cov xwbfwb txhua tug koj lawv le phoo kaabke kws HKM tub muaj lawm hab thov kuas txhua pawg ntseeg los yuav tau koj tuabyaam nkaus le ntawd hab.

Has txug kev txis txwjnkawm, peb ntxiv ib nqai ntxiv rua phoo kaabke tas tug kws xwbfwb muab ua kevcai sis txis

yuav tsum xob moog ua party seevcev tomqaab kws ua kevcai taag.

General Council

Xyoo nuav xaiv tau Dr. Gary Benedict rov lug ua tug President ntawm C&MA plaub lub xyoo ntxiv.

Cov nyaj kws komtseg siv rua xyoo 2010-11 yog 37.5 millions, tabsis lub rooj saablaaj tseem pum zoo kuas suavdlawg paab ntxiv kuas tau le 40.7 millions txhaj yuav txaus siv rua txhua yaam dlejnum kws yuav tau ua.

Xyoo nuav General Council tau xaa Rev. Joe Kong kws yog tug Intercultural Ministries Director hab nwg quaspuj moog ua missionary rua Cambodia lub 8 hlis, 2009 nuav. Thov Vaajtswv foom koobmoov rua ob tug.

General Council kuj khu Kevcai Lijchoj ntawm lub district hab pawg ntseeg ob peb yaam. Mej yuav tau moog saib qhov version tshab huv C&MA website:

my.cmalliance.org/resources/books/ncm_manual/ncm_manual.jsp

Rooj Saablaaj Txwm Xyoo

Rooj saablaaj txwm xyoo xyoo nuav yog ib xyoo kws kuv npaaj sab tuab zoo yuav noog tej lug qhuabqha kws cov xwbfwb qhuabqha, vim lub ntsablug xyoo nuav yog iblub ntsablug kws zoo heev hab yuav nrhav noog cov lug qhuabqha le nuav nyuaj heev. Nwg ntev ntev cov xwbfwb le maam qhuabqha ib zag. Ua Vaajtswv tsaug kws xyoo nuav, peb nrhav tau ibcov xwbfwb zoo yuav tuaj qhuabqha txug lubneeg dlawbhuv rua peb. Kuv ca sab tas mej txhua tug yuav tau txais Vaajtswv txuj koobmoov rua lub rooj saablaaj txwm xyoo xyoo nuav.



Ntsib Nam Xwbfwb Tshab



Xf. David Yaaj lug ua xwbfwb hluas rua pawg ntseeg Denver Hmong Alliance Church txij lub 12 hlis xyoo 2008. Xf. David nyob tuableeg xwb khua sab heev txhaj thov pawg ntseeg tas yuav moog yuav quaspuj. Pawg ntseeg pum zoo txhaj moog has Sue Khaab kws yog Nyaj Thoj Khaab tug ntxhais. Xf. David hab nwg quaspuj obtug sis ntsib xyoo 2003 thaus nwg quaspuj tsevneeg tau tsiv Wisconsin moog nyob rua Georgia hab moog koom pawg ntseeg Hmong New Hope Alliance Church. Obtug sis paub hab ua phoojywg tau ob peb xyoo. Obtug txhaj sisqhab nubtim 14, lub 2 hlis, 2009 hab sisyuav rua nubtim 23, lub 5 hlis, 2009. Xf. David kawm ntawv tav nyob rua Toccoa Falls lub 12 hlis xyoo 2006, nam xwbfwb David kawm tav uantej ibnub rua thaus obtug sisyuav. Peb thov nrug ob tug zoo sab!

Thov Vaajtsww

Thov Vaajtsww pub rua kev tshais chaw ntawm HKM kuas muag tau lub tsev peb txhaj yuav tshais chaw tau.

Thov Vaajtsww pub rua rooj saablaaj txwm xyoo xyoo nuav kuas cov ntseeg yuav nov Vaajtsww Txujlug hab hloov suavdlawg lub neej. Thov Vaajtsww paab rua kev sis thaam, vim peb muaj ntau nqai yuav thaam txug kevcai lijchoj.

Thov Vaajtsww paab rua tej teebmeem huv pawg ntseeg kuas suavdlawg yuav paub sis zaamtchim. Ib tug xob ua teebmeem rua ib tug. Tabsis ib tug yuav hlub ib tug.

Thov Vaajtsww pub rua cov ua dlejnum ntawm HKM kuas nojqaab nyob zoo txhaj yuav ua tau dlejnum, vim puab ua dlejnum khwv khwv le.

Xwbfwb Tshab/Hloov

Dr. Xeev Neeb Hawj su tsi ua tub xaa moo zoo txij lub 3 hlis hab moog ua xwbfwb rua pawg ntseeg First United Hmong Alliance Church, Bloomfield, CO txij lub June 6, 2009.

Kx. Tswv Ntaaj Koo su dlejnum nyob pawg ntseeg Seattle Hmong Alliance Church txij lub 6 hlis, 2009 hab moog nyob rua St. Paul, MN.

Xf. Tswv Foom Yaaj su dlejnum nyob rua pawg ntseeg Detroit Hmong Alliance Church lub 6 hlis taag hab moog ua xwbfwb rua pawg ntseeg First Hmong Community Alliance Church, SiloamSpring, AR txij lub 7 hlis, 2009.

Xf. Exa-ws Vaaj su xwbfwb hluas pawg ntseeg Wausau Hmong Missionary Alliance Church, Wausau, WI hab moog ua xwbfwb rua pawg ntseeg Faith in Christ Hmong Alliance Church, Milwaukee, WI txij lub 7 hlis, 2009.



Kev Tsim Tsa Pawg Ntseeg

Cornerstone Community Alliance Church

12287 Pennsylvania St.
Thornton, CO 80241
Phone: 303-252-1793
Fax: 303-252-7911
E-Mail:
tlkue@hmongdistrict.org

Stockton yog ib lub zos uas muaj peb Hmoob nyob coob, tabsis peb tsuas muaj ib pawg ntseeg *Hmong C&MA Church of Stockton* xwb uas tsa thaum lub 3 hlis xyoo 1980. Nws twb yog li no peb HKM thiaj npaj siab nrog pawg ntseeg no tham thiab rhawv txoj kev tsim dua pawg ntseeg nyob rau lub zos Stockton no thaum xyoo 2007. Yog li ntawd, thaum lub 12 tim 28 xyoo 2008 cov thawjcoj thiaj pom zoo cia 64 tug tswvcuab nrog Kx. thiab Niam Kx. Txaj Tuam Yaaj mus tsa pawg ntseeg *Cornerstone Community Alliance Church*. Dr. Tswv Txos Thoj thiaj sawvcev peb HKM mus tsa pawg ntseeg no rau thaum lub 2/1/2009 no. Peb muaj tibneeg kwvyees li 300 leej tuaj koom kev qhib pawg ntseeg no. Cov tibneeg uas tuaj koom hnuv ntawd muaj ntau leej yog cov thawjcoj Hmoob thiab cov tsis tau ntseeg Vajtswv uas nyob hauv lub zej lub zos. Dua li ntawd, Dr. Nyaj Npis Hawj uas yog peb HKM ib tug tsavxwm kuj tuaj koom thiab hais ob peb lo lus txhawb zog thiab. Peb ua Vajtswv tsaug uas los ntawm cov tswvcuab txoj kev kub siab thiab Vajtswv txoj kev pab thiab coj pawg ntseeg tshiab no tau lojhlob zuj zus. Nyob nruabnrab ntawm lub ib hlis rau lub peb hlis dhau no xwb, pawg ntseeg no twb nce tswvcuab ntawm 66 leej mus ua **98 leej**, qhov average rau tibneeg tuaj pehawm Vajtswv yog **74 leeg** rau ib lub limtiam twg, thiab qhov average ntawm kev fij nyiaj yog **\$4,288.77** rau ib lub hlis twg.

Nws twb yog vim ntau leej hnov Vajtswv lub suab hu thiaj ua rau ntau leej los txais txoj sia ntawm Vajtswv. Yog li ntawd, thov peb nco ntsoov thov Vajtswv pab rau Kx. thiab Niam Kx. Txaj Tuam, cov thawjcoj, thiab cov tswvcuab ntawm pawg ntseeg no. Yog peb leejtwg mus txog ze, thov nej mus koom lawv kev pehawm Vajtswv. Lawv pehawm Vajtswv nyob rau *Springs Christian Fellowship, 4799 Foppiano Lane, Stockton, CA., thaum 1:00-2:00PM yog Sunday School, 2:00-4:00PM yog pehawm Vajtswv, thiab hmo Wednesday yog thaum 7:00-8:00PM.*

Missions

Lig Hawj rov moog rua Thaibteb nubtim 16, lub 6 hlis, xyoo 2009 hab yuav moog nyob rua Chiang Mai kws yog moog nrug Larry Persons ua TEE. Thov mej paab thov Vaajtswv rua Lig hab.

Kx. Ceev Xwm Hawj ob namtxiv los rov moog rua Tuamtshoj teb nubtim 20, lub 6 hlis, xyoo 2009. Ncu ntsoov ob tug rua mej kev thov Vaajtswv.

Kx. Txooj Neeb Thoj ob namtxiv yuav rov lug Home Assignment lub 8 hlis, 2009. Yog leej twg xaav tau ob tug tuaj ua mission conference kuas nrug Nam Txooj Xyob thaam.

Kx. Yauhaas Yaaj ob namtxiv yuav rov lug tsev, vim txug caij nam xwbfbw su. Tomqaab ntawd, le maam rovqaab moog.

Kx. Nyiaj Kaub Lauj ob namtxiv yuav rov lug ua missions conference rua lub 9 hlis txug 11 hlis xyoo nuav. Cov pawg ntseeg kws xaav tau ob tug ua mission conference, thov hu rua Nam Txooj Xyob paub.

